

A MESA LUGHE

Bruna, libera, sinuosa,
mesu nuda t'ido hermosa
subra custu canapè
coloradu in bruna tinta...
In su giallu camerinu
si respirat ahimè
un'alenu isbarazzinu
che in s'ottighentos trinta.

Ahimè su corpus tou
chi riposat dae nou
in sa trista anima mia
e l'affogat in pag'ora...
Su capriciu tou vagu
est de m'haer in balia,
si custu pro te est disvagu
beni ancora, ancora, ancora.

Nuda, mesu nuda in cue,
coberta da' una nue
de velettas coloradas
da' ue trasparin giaras
sas formas tuas dechida,
ue curren isfrenadas
sas manes mias, sas leras
e sa persone abbramida.

Benis dae nou a mie
lussuriosa, rie-rie
tra gioghittos de amore
ch'impudica mai cuas.
Corzu, u'est, a mi lu naras,
s'orgogliu meu, s'onore?
Allu rîpostu in sas caras
gioiosas manes tuas.

Ah, su corpus brunu e rosa
e giaru de luna; ah, posa
tota tue subra 'e me
tra ispasimos de amore
chi mi brujan mente e coro,
deo mi rendo pro te,
pro su corpus tou ch'adoro,
pro su corpus binchidore.

MILVUS ROVICTIUS ACCIPITER

I N V I T T U A D I A N E D D A

Dianedda mi miras; mi disizas costante,
pro te deo regiro, t'istimo, t'adaro;
est giustu chi siemus un'a s'ateru amante,
unemus sos affettos, formemus unu coro.

Su tantu forte ardore calmare nos demus
cun basos e carignos tra gioias e turmentu,
pius basos nos damos pius nde disizemus
pius de sas istellas chi sun in firmamentu.

Sa 'ucca tua amada, su corpus infogaðu,
sas manos tuas chi curren subra sas carres mias
m'elettrizen su corpus, mi rendan offuscadu
ogni lumine umanu; a tantas frenesias

pro una 'olta ancora nos abandonemus
tra su turbinare de varios sentimenti
chi nos bettan a pars; nois assegundemus
custu giogu isfrenadu ~~ix~~ ~~ix~~ in totu sos intentos.

Cras amore meu cun sos suos affannos
torrat sa vida nostra misera e normale,
torran a nos pesare custos nostros vint'annos
in-d'una realtade piena 'e tantu male.

Ruedi in brazzos mios Dianedda adorada
chirchen sas ñaras tuas a sas mias cumpensu;
custa notte divina, de silenziu amantada
nos promittit amore sinzeru cantu immensu.

MILVUS ROVICTIUS ACCIPITER

ABBANDONADA

S'immensu amore chi mi tenes tue
t'has fattu ismentigare prontamente
su soffrire passadu ingiustamente
candé t'hapo che nudda abandonadu....

Has piantu, has pregadu, has isperadu
chi m'essera abizadu e curragidu
pro torrare sensibile e pentidu
a su tou sinzeru affettu inue

paghe depo agattare. Oh, cust'andare
de coro in coro finat, in su tou
b'ida firmesa e affabilidade

chi dat risaltu e vera dignidade
a s'onestade tua e forza a prou
a tie a supportare e perdonare.

MILVUS ROVICTIUS ACCIPITER